



Inatsisartunut ilaasortaq  
Mariane Paviasen

## **Eqqakkanik immikkoortiterisarneq pillugu § 37 naapertorlugu apeqquteqaammut nr. 139-2022-mut akissut**

Asasara Mariane Paviasen

Inatsisartut Suleriaasianni § 37 naapertorlugu eqqakkanik immikkoortiterisarneq  
pillugu Naalakkersuisunut apeqquteqarputit. Apeqqutitit uannut  
akisassanngorlugit innersuunneqarput.

- 1. Naalakkersuisut ”Eqqakkanut iliuusissanut pilersaarut 2020- 2031”  
malillugu ingerlatsippat?  
a. Taamaappat pilersaarummi malillugu maannamut suliat sumut  
killippat?**

### **Akissut:**

Aap, Naalakkersuisut Eqqakkanut iliuusissanut pilersaarut 2020 -2031  
aallaavigalugu sulipput ingerlatsillutillu. Naalakkersuisut eqqagassalerinermut  
suliassa qarfirmi anguniagaqarnerat Eqqakkanut iliuusissanut pilersaarummi  
nassuiarneqarput aammalu kommunit najukkani eqqakkanut  
pilersaarusiortarnerannut passussisarnerannullu killissanik aalajangersaallutik.

Eqqagassalerinermut suliassa qarfirmi akisussaaffik Naalakkersuisut  
kommunillu akornanni avitavoq. Naalakkersuisut eqqagassalerinermut  
suliassa qarfirmi qitiusumi oqartussatut killissaliussanik qulakkeerisussaapput,  
ilanngullugit inatsisitigut tunngavissat pisariaqartut, aammalu suliassa qarfirmi  
ineriartorneq malinnaaffigisussaallugu tapersersortussaallugulu. Kommunit  
eqqagassalerinermut igitsisarnermullu akisussaasuullutik pingaarnertut  
oqartussaasuupput. Taamaattumik suliassarpasuit eqqakkanut iliuusissanut  
pilersaarummi nassuiarneqartut, kommuninit suliarineqartussaapput  
atuutsinneqalertussaallutillu. Kommuni nunami namminermi eqqakkanut  
iliuusissanut pilersaarummut killissaliussat iluanni kommunimi eqqakkanut  
pilersaarummik suliaqartussaapput.

Eqqakkanut iliuusissanut pilersaarut 2020 – 2031 suliassa qarfinni tallimani  
anguniaga qarfiusumik aaqqissuussaavoq:

1. Pilersaarusiorneq allaffissornikkullu aqutsineq
2. Paasissutissiisarneq innuttaasunillu akuutitsineq
3. Eqqakkanik pitsaaliuineq aamma kaaviiartumik aningaasaqarneq
4. Eqqakkanik suliarinninnermut tigooqqaasarfiit

Allakkat ulluat: 14-07-2022  
Suliap nr.: 2022 - 14275  
Akt-id: 20624182

Postboks 1614  
3900 Nuuk  
Tlf.: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

## 5. Ataatsimoorussamik ikuallaaveqarnerit

Eqqakkanut iliuusissanut pilersaarut anguniakkat tallimat taakkua sukumiisumik nassuiaataannik imaqarpoq. Anguniakkanut tamarmik immikkut ingerlatassat suut aallartinneqassanersut nassuiarneqarpoq. Tamatuma saniatigut allaffissornikkut sunniutaasussat kiisalu pingaarnertigut peqqinnissakkut avatangiisinilu pitsanngorsaanerit malittaasussat, nassuiarneqarput. Sukumiisortaannut ersarinnerusunut Eqqakkanut iliuusissanut pilersaarut 2020-2031 innersuussutigineqarpoq.

Suliassarfiit tallimat taakkua iluanni killiffimmut tunngatillugu Naalakkersuisut immikkut ersarissassavaat:

1. Eqqagassalerinermut nalunaarut nutaaq pitsaanerusorlu akuerineqareerpoq.
2. Paasititsiniaanerit arlallit ingerlanneqarput (soorlu Pinngortitap Paarsisui, cigaretsit kimmivikuinut paasititsiniaaneq, kingunerutinik atuinnginnissaq pillugu paasititsiniaaneq il.il.).
3. Eqqakkanik pitsaaliuinermit tunngatillugu nalunaarut plastikkinik tunisassianik ataasiartakkanik inerteqquteqarfiusoq akuerineqarpoq. Nalunaarut ulloq 1. november 2022 atuutilissaaq.
4. Illoqarfinni tamaginni eqqagassalerinermut tigooqqaasarfiliornissamut tapiissuteqartoqarpoq.
5. Ataatsimoorussanik ikuallaaveqarnissamut tunngatillugu aningaasalersorneqarnissaat inissereerpoq aammalu nunami namminermi ikuallaaviit nutaat taakkua 2024-mi atorneqalernissamut piariissasut naatsorsuutigineqarluni. Ikuallaavinni nutaani taakkunani putsup naammaginaratumik salinneqartarnissaa qulakkeerneqarsinnaavoq aammalu ikuallaanermit nukissiaq atorluarneqarsinnaalluni.

## 2. Eqqakkanik immikkoortiterisarneq aammalu atoqqiineq Naalakkersuisut anguniagarivaat?

**Akissut:** Naalakkersuisut siunnerfigaat atoqqiisarneq aammalu atoqqitassanik atuisarneq annertunerulissasoq, takuuk ilaatigut eqqakkanut iliuusissanut pilersaarummi anguniakkat ilaat 3 aamma 4. Kommunit assersuutigalugu saviminikunik katersinissaq atoqqiisarnissarlu ukkatarat. Suliniutinik nutaanik aallartitsisoqarpat aallartitsisoqassappallu, tamatuma avatangiisinik inuiaqatigiillu aningaasaqarnerannik nalilersuineq aallaavigalugu pinissaa pingaaruteqarpoq. Eqqakkat ilai mikisuaraasarput, avatangiisinut inuiaqatigiillu aningaasaqarneranni passussinissaq ikuallaanerusussaasarluni, tassani eqqakkat kissarnerat atorluarneqartarluni.

## 3. Eqqakkanik immikkoortiterinissaq atoqqiinerlu anguneqassappat suut atortutigut, aningaasatigut, sulisutigut allaffissornikkullu amigaataappat?

**Akissut:** Apeqqummut 1-imut akissuteqaatip ataani taaneqartutut, eqqakkanut iliuusissanut pilersaarut anguniakkanut tallimanut sukumiisumik nassuiaatinik imaqarpoq. Tamatuma saniatigut allaffissornikkut sunniutaasussat kiisalu pingaarnertigut peqqinnissami avatangiisinilu pitsanngorsaanerit

nassuiarneqarput. Tamatuma saniatigut eqqakkanut iliuusissanut pilersaarut ilanngussamik imaqarpoq, tassani ingerlatassat ataasiakkaat qanoq aningaasaqarnikkut sunniuteqassanersut naatsorsuutigineqarnersaq nalilersuisoqarluni. Sukumiisortaannut erseqqinnerusunut eqqakkanut iliuusissanut pilersaarut innersuussutigineqarpoq.

Tamatuma saniatigut kommunit tamarmik immikkut kommunimi eqqakkanut pilersaaruteqarput, kommunip eqqagassalerinermut suliasaqarfimmi suliniutinik pingaarnersiunerani ilaatinneqartussamik. Kommunimi eqqakkanut pilersaarummi aamma kommunip eqqagassalerinermut aningaasartuutai aamma nassuiarneqartussaapput, ilanngullugit eqqagassalerinermut aaqqissuussinerni ingerlatsinermut aningaasartuutit, kingornatigut suliarinnittarfinni ingerlatsinermut aserfallatsaaliuinernullu aningaasartuutit aammalu eqqagassalerinermut aningaasaliinerni aningaasartuutit. Taamaattumik kommunimi aningaasaqarnikkut, sulisoqarnikkut allaffissornikkullu isumalluutinut sukumiinerusunut tunngatillugu kommunit ataasiakkaat eqqakkanut pilersaarutaat innersuussutigineqarput.

**4. Kalaallit Nunaanni tamani immikkoortiterisarneq eqqunneqassapput aningaasartuutissat qulaani apeqqutigineqartut katillugit qanoq annertutigippat/ missingersorneqarsinnaappat?**

**Akissut:** Takuuk apeqqummut 3-mut akissut.

**5. Atoqqiinnermik ingerlatsinikkut Naalakkersuisut eqqagassalerinermi aningaasatigut eqqaaneq imminut akilersinnaalersillugu kaaviiartitsisinaanermik takorluugaqarnerpat?**

**Akissut:** Takuuk apeqqummut 2-mut akissut. Taassuma saniatigut ilisimatitsissutigineqarsinnaavoq, kommunit, innuttaasut suliffeqarfiillu ukiumoortumik tapiissutinik Avatangiisinut Aningaasaateqarfimmut qinnuteqarnissaq periarfissaammat. Soorlu assersuutigalugu piareersaatitut sammisanut atoqqiinnernut aamma/ imaluunniit eqqakkanut immikkoortiterinerit pillugit imaqarsinnaasut.

Inussiarnersumik inuulluaqqusillunga



Kalistat Lund